



Prvi zamjenik visokog predstavnika Hearne u Mostaru

Prvi zamjenik visokog predstavnika Dennis Hearne posjetio je Mostar u srijedu, 7. februara 2018. godine.

Tokom svoje prve i nastupne posjete Mostaru, Hearne se sastao sa predstavnicima kantonalne i gradske uprave, te lokalnih nevladinih organizacija.

Nakon sastanka sa Ljubom Bešlićem, Hearne se obratio medijima u Mostaru. Tom prilikom je izjavio da je međunarodna zajednica spremna da pomogne domaćim akterima u vezi sa reformom izbornog sistema, što također uključuje rješavanje pitanja lokalnih izbora u Mostaru, ali je na domaćim političarima i institucijama da dođu do rješenja.

Posjeta prvog zamjenika visokog predstavnika Hearnea Mostaru jedna je iz serije rutinskih posjeta koje obavlja širom zemlje. Do sada je već posjetio Brčko i Banja Luku.